

People plus

**SNP, OLI
PROBLEM?
KEEP CALM.
VOTE
JAMES
MICHEL**

BANN ENGRA

Ozordi ler nou get serten dimoun dan Lalyans, ki nou vwar? Nou vwar en group dimoun ki egois e mazin zot prop leklor. Set en group dimoun ki mazin zotmenm e personn dot. Ni menm byennet zot fanmiy, zot pa enterese avek.

Pran par egzanp, William Herminie. Son prop frer i Spiker Lasanble Nasyonal- en pozisyon tre prestizye dan pei e son prop garson pe debout pour vin MNA Larivyer Anglez - en lot pozisyon enportan ki pou donn bokou loportinite sa zenn garson devlope e kontribye dan devlopman son kominote e son pei. Me pour William Herminie sa napa okenn lenportans. I plivomye alye son leklor avek Ramadoss, Pat Pillay ek Marc Hoareau menm si sa i vedir ki son prop frer i kapab perdi son dyob e lavenir son garson i ganny brize. Menm zafer i aplik pour Noellie Alexander ki pe tap tou pour tou pour tir son nyes Minis Idith Alexander opouvwar. La deryen legzanp ki nou'n vwar se Serge Benstrong, en fermye ki'n benefisyé bokou anba sa sistenm, pe sorti pour



● William Herminie



● Serge Benstrong



● Noellie Alexander

atak sa menm sistenm kot son pti frer i en Minis, son lot frer i Oditer Zeneral e lot ankor en pilot sinyor lo Air Seychelles. I plivomye fer kontan John Devi ek Pat Pillay olye siport son prop disan. Bokou Seselwa vreman pa kontan sa kalite latitid aköz nou'n toultan en nasyon kot lafanmiy i ini e ralye deryer menm koz.

Ki pli tris dan tousala, se ki ler sa bann dimoun ti opourvwar, zot bann frer, ser, e nyes ti lager lebra kase pour defann zot e kit zot opourvwar. La bokou nou i ava rapel determinasyon dokter Herminie dan Lasanble Nasyonal pour pro-

tez governman kot son frer William ti en Minis malgre bokou problemm ekonomik ki pei ti pe fer fas avek. Nou

e bokou manm fanmiy pe dezasosye zot ek sa bann dimoun. Dan bwat vote pou dir pour limenm.

rapel tre byen zenn Idith Alexander ki ti travay ziska tar dan lannwit konman en aktivis SPPF pour protez pozisyon son tantin. Lalis i long, legzanp i bokou. Me sa ki kler, bokou Seselwa pa dakor avek sa mantalite bouro,

BREAKING NEWS

Nouvel sorti Hermitage pe dir ki Pat Pillay i dan depresyon sever. Ni travay i pa vini. Laköz depresyon pa kler me i paret sa skandal trafik imen sa zenn zonm Sri Lanken pe fatig li bokou. I annan ki pe dir ki Pat Pillay i deprese aköz son zwer Kenyan pa pe ganny GOP. Dapre konpran, Pat pe osi ganny remors konsyans pour boycott Prezidan Michel, en zonm ki'n ed li bokou. Pat Pillay, al pran ou retret anpe. Ou'n fer ase larzan anba sa sistenm.

James, Alix Michel



DAN LARI BAZAR

WILLIAM I TOUSEL EK SON SKYPE

Dan lefe, William i en boug ki kontan koz bokou. I kontan rakonte kimanyer li ek Ramadoss ti kree Lalyans e kimanyer apre zot ti rod Pat Pillay pour vin dirizan Lalyans par enterim akoz i kontan radote. Li ek Ramadoss ti de gran zanmi. Me la ki Ramadoss in ale e person pa konnen kan i pou retourneren, William i konmans santi li tousel dan en parti kot person pa kontan li. Deryer son ledò, zot pas zot letan marlpar li e Simone i refize vin manz anba kot Printec akoz sa lanmertim ki i annan pour William. William limenm pe vin deplizanpli ayoyo i pa pe kapab fer gran keksoz. Nek i pleny leren fermal e i pa kapab mars dan montany. I santi li tousel avek bokou regre ki in kree Lalyans. I trakase avek direksyon ki Pat Pillay pe pran, e dousman dousman i pe realize ki Lalyans i en parti ranpli avek lanmertim, ki oule zis vanzans. Dimans pase i ti asiz enn erdtan lo skype pour koz ek Ramadoss e siplyi avek li pour desann akoz lalyans pe degren-gole. Kandida i kontinyen met zot let demisyon, travayer pa pe ganny peye, sef lalyans in pri dan skandal trafik imen avek en zenn Sri Lanken, Simone ek Nweli i fer sa ki zot anvi, Rukimen ibou plim i kontinyen donn move legzanp anler dan condominium. William pe dir ki zanmen dan son lavi in deza santi li sitan ba koumsa. Nou dir avek William sote dan sa pirog nanm, fer en bon legzanmen konsyans e vin ed ou garson ganny sa gran lavikwar pour Parti Lepep dan distrik Larivyèr Anglez.

LALYANS I KONTINYEN DEGRENGOLE

Nouvel sorti Hermitage i montre ki Lalyans pe kontinyen degren-gole. Parey nou ti enform zot semenn pase, kandida i kontinyen demisyonnen. La tour Collin pour donn son let demisyon. Collin pe dir ki li i fatigue al devan laport dimoun e ganny maltrete. I nepli ganny sipor finansyel sorti kot lalyans, e Dominik in deside aret mars ek li e return

dan son Parti Lepep. Kot i pase laba dan larivyèr anglez, dimoun pe dir li ki zot pe al vot pour Parti Lepep. Menm si i fer komedi, zabitan Rivyèr Anglez pa enpresyonnen. Collin in tonm dan depresyon e in finalman met son let demisyon lo latab Pat Pillay. En miting irzan ti bezwen ganny fer kot Collin ti ganny counselling pour li kontinyen koman kandida. I paret ki pourlemoman, Collin pa tro kler dan son lespri ki egzakteman i pou fer. Kwa ki fer li pli ankoler se ki pandan Pat Pillay pe dir avek li ki Lalyans napa larzan pour fer konpanyi, bann gro zofisyè lalyans pe fer vini gro loto pour zot lekor ouswa pour zot galan.

GRO ENKYET I BAG WAVEL

Wavel i pe zis dous anler Arpan Ver e i pe pas son letan fer kankan e akiz tou dimoun pour donn son nouvel e vol son portre lo laptop. La in deside mont lo youtube pour koze. Dapre konpran zis Gilly ek Aaron i met en kamera li nek i koze. I dir son bi se dekouraz Prezidan Michel fer eleksyon boner oswa ansanm akoz SNP pankor pare. Komite pankor aprouv son kandidati e kandida pour distrik nek pe demisyonnen. Wavel ti menm oze predir kan eleksyon pou fer. Parey son labitid i ti pe donn lenpresyon ki li i konn tou keksoz e i pe dir ki eleksyon pou fer boner. Wavel i evidaman tre enkyet. Wavel ti donn lenpresyon ki i konn tou sa ki pe arive, me solman i kler ki i pa pe vwar demars ki Siana pe fer pour anpes li vin kandida prezidansyel pour SNP. Nou annan zis en pti mesaz pour Wavel. Tasyon ler eleksyon i ganny kriye ou dir ou pankor pare akoz ou napa plywood.

OLI SIANA ?

Siana in finalman retourneren apre en mwan vakans Moris. I annan ki dir ki pandan son sezour aletranze i ti menm al fer en gete. Sa bononm in dir ki zafer i sal Arpan Ver e fodre tir wavel. Touzour

dapre sa bonnonm, Wavel ozordi napa ni menm 30 pousan sipor dan pei. Sa tonton in dir dezorme Msye Misel pe al kraz zot dan sa eleksyon ki pe vini. Depi ler in retourneren sorti son sezour, Siana pankor pas ditou Arpan Ver. Zis i debout anler Mont Buxton e get dan direksyon St Louis dan en gro binok tou le bomaten ek aswar pour li vey deroulman Fader. En pake zafer pe pase ki pe fer Siana tre enkyet. Rimer lo karpark pirat se ki Siana i konnen ki sa gran santer popiler in ekir Fader pour demann li pour aret servi son bann sanson dan konpanyi SNP. Siana i osi konnen sa ta maltrete ki Fader in ensilte sa santer e ki apre ki i ti'n tap en gro koudpwen lo latab, i ti dir avek tou bann manm egzektiv SNP pour delete sanson sa boug. « Nou pa bezwen li », i ti kriye. I kler ki Fader pa pou zanmen arete son vilen manni maltret dimoun ler sa dimoun nepli oule li. Siana anler Mont Buxton, li a son tour, a sakfwa ki i get Fader pase dan son gro binok i senpleman dir ki in ler pour Fader les tonbe.

LEKEL KI POU KANDIDA SNP MONT BUXTON?

Nou tou nou ti krwar ki sete Gerald Julie ki pou vin kandida SNP anler Mont Buxton. Me i annan en nouvo akter nomen Havelock ki'n fer son laparisyon lo lasenn politik dan sa distrik. Havelock pe dir ki Fader in demann li pour debout. Me en Gerald tre ankoler pe pas partou e pe kategorikman demanti sa. Pour fini kont Havelock in fer petisyon pour Gerald Julie pa debout Mont Buxton. Ki pli gou se ki menm fanmiy Gerald Julie in siny sa petisyon. Wavel in kriy Havelock pour dir li aret fer teat lo teren Mont Buxton. Zot be ki pe arive ek SNP? I kler ki Miss Sabury pou fer en viktwar ekrazan dan prosen eleksyon dan sa distrik.

KANKAN PORTRÉ SANDY I KONTINYEN

Gro kekyon ki pe trakas Fader se kot Peoples Plus in ganny sa portre Sandy kot i ti pe lir en Peoples Plus. Fader i dir ki i rapel tre byen ki li ki ti montre Sandy sa

portre e sa zour i ti dir ek Sandy, « Sandy get ou figur dan sa portre ». Fader i krwar ki se Sandy ki'n pran sa portre e al donn People Plus par ekspre. Sa msye pe sitan vin konfize ki i dir ki Sandy pe pran larzan avek Lepep e pe kas anba ek SNP. Lo kar park, Bakiki i dir i tann Sandy pe konplent ki i pa ganny preski nanryen avek Fader pour distribye Vizyon e ki Sandy ti pe dispit akoz Fader ti'n met sa enn portre kot i pe fer grimas dan albonm SNP. Bakiki pe demann son lekor si sanmenm sa portre ki ti aparet dan Peoples Plus. Me gro kekyon i reste. Kimanyer sa portre in sorti Arpan Ver pour ariv Maison Du Peuple. Kankan i kontinyen.

CLIVE OLI VIZYON PLAISANCE?

Clive ki ou pe fer ou tousel Plaisance? Sa madanm nepli pran vizyon pour kit kot li. Person pa enterese al lo teren ek ou. Ou sitan pa war kler ki Wavel ek SNP pe briz ou lavenir. Ki pou arive ek ou ler ou'n perdi eleksyon ? Ou krwar Wavel pou met ou dan Lasanble ? Be ki i pou fer ek Regina, Gervais, Sandy, Anthony ek Bernard ? Tousala pe al kapot ek las. Tousala pe ganny promet plas proporsyonnel. Leve lo sa tartar, ouver ou lizye, santi sa loder malonnet parey Tant Ivanet ki dapre sa zwer taksi pirat in anvoy SNP lwen laba san okenn traka.

WAVEL DAN DEZESPWAR

Wavel i dan dezespwar e i pe priye ki tya vre Dimans Ramadoss ti a antre dan pei. I mazin al vwar sa msye pour ganny snacks and drinks pour konvansyon madanm e sa konvansyon ekstraordiner byento pour swadizan nomin li. Arwi zot wi, SNP in arive pri dan pos Ramadoss apre tou sa ensilte zot in ensilte sa msye dan lepase. Oli zot pider ? Siana reponn.

WAVEL DAN MITING KOT PRINTEC

Zedi apremidi Wavel ti kot printec dan miting ek sa madanm ki okip finans ek ladministrasyon. Ki i ti al rode laba? I paret si Ramadoss pa retourneren Lalyans ek SNP i kolaps.